



## HYSBYSIAD PREIFATRWYDD – Taliadau Hunanynysu

Mae'r hysbysiad preifatrwydd hwn yn ymdrin â sut y bydd Cyngor Sir Penfro (fel Rheolwr Data) yn casglu, defnyddio a rhannu eich data personol at ddibenion Gwasanaethau Refeniw yn prosesu'r cynllun taliadau Hunanynysu.

### **Pam mae angen eich gwybodaeth arnom (diben prosesu)**

Rydym yn casglu ac yn defnyddio eich gwybodaeth bersonol fel y gallwn ganiatáu i'r Gwasanaethau Refeniw wirio ac asesu cymhwysedd ar gyfer y Taliad Hunanynysu.

Bydd y wybodaeth y byddwch chi'n ei darparu yn cael ei phrosesu yn unol â Rheoliad Diogelu Data Cyffredinol 2016, Deddf Diogelu Data 2018 a Chanllawiau Llywodraeth Cymru -

<https://llyw.cymru/cynllun-cymorth-hunanynysu>

*Bydd eich data'n cael ei groesarchwilio gyda'r Adran Gwaith a Phensiynau, Cofrestr Profi, Orlhain a Diogelu y GIG, a Chyllid a Thollau Ei Mawrhydi.*

Byddwn hefyd yn gwneud unrhyw ddatgeliadau sy'n ofynnol yn ôl y gyfraith a gallwn hefyd rannu'r wybodaeth hon â chyrrff eraill sy'n gyfrifol am ganfod/atal twyll/troseddau neu archwilio/gweinyddu arian cyhoeddus er mwyn sicrhau bod arian yn cael ei dargedu a'i wario yn y ffordd fwyaf priodol a chost-ffeithiol. Er mwyn cyflawni hyn, bydd gwybodaeth yn cael ei rhannu â'n Gwasanaeth Archwilio yng Nghyngor Sir Penfro a gydag Archwilydd Cyffredinol Cymru.

Ni fyddwn yn gwneud unrhyw ddatgeliadau i drydydd partïon at ddibenion marchnata.

Bydd eich data'n ddiogel ac yn gyfrinachol bob amser a byddwn ond yn casglu'r wybodaeth bersonol rydyn ni ei hangen i ddarparu ein gwasanaeth i chi.

### **Pa ddata personol sy'n cael eu casglu?**

Y categorïau o ddata personol sy'n cael eu casglu yw:

- Enw, cyfeiriad, dyddiad geni, rhif yswiriant gwladol.
- Enw a chyfeiriad cyflogwr
- Os yn hunangyflogedig eich rhif CUT
- Manylion eich cyfrif banc, hawl i fudd-daliadau, slip cyflog a chyfrifon hunangyflogedig
- Manylion am gynilion a manylion incwm pellach lle bo angen.
- Manylion am unrhyw gyfnod hunanynysu sy'n gysylltiedig â Covid-19 a chadarnhad bod rhaglen Profi, Orlhain, Diogelu GIG Cymru wedi cysylltu â chi.

Gweler y dolenni isod sy'n rhoi gwybodaeth am y cynllun cymorth Hunanynysu a'r cymorth arall sydd ar gael;

<https://llyw.cymru/olrhain-cysylltiadau-cymorth-ar-gyfer-gweithwyr-ar-hunangyflogedig>

<https://llyw.cymru/cynllun-cymorth-hunanynysu>

## **Beth yw ein sail gyfreithiol ar gyfer prosesu eich data personol?**

Mae'r Rheoliadau Diogelu Data Cyffredinol (GDPR) yn mynnu bod amodau penodol yn cael eu bodloni er mwyn sicrhau bod prosesu eich data personol yn gyfreithlon. Mae'r amodau perthnasol hyn isod;

Erthygl 6 (1)(e) Tasg gyhoeddus: mae angen prosesu er budd y cyhoedd neu ar gyfer eich swyddogaethau swyddogol, ac mae gan y dasg neu'r swyddogaeth sail glir yn y gyfraith.

Mae rhai mathau o ddata personol yn fwy sensitif nag eraill, ac mae angen eu hamddiffyn yn fwy. Mae hyn yn cael ei ystyried yn 'ddata categori arbennig' a gallai gynnwys gwybodaeth am eich tarddiad hiliol neu ethnig, barn wleidyddol, credoau crefyddol neu athronyddol neu aelodaeth undebau llafur a phrosesu data genetig neu fiometrig, iechyd a bywyd rhywiol a chyfeiriadedd rhywiol.

O ran prosesu Taliadau Hunanynysu byddwn yn gwirio gyda Chofrestr Profi, Orlhain a Diogelu GIG Cymru ei bod yn ofynnol i chi ynysu. Gall hyn fod naill ai yn dilyn cael canlyniad positif am Covid-19 neu fel Cyswllt i rywun sydd wedi canlyniad positif. O ganlyniad, byddwn yn prosesu data sy'n ymwneud â'ch iechyd os ydych chi wedi cael canlyniad positif.

Rydym yn prosesu'r math hwn o ddata categori arbennig fel y mae'n angenrheidiol am resymau:

Erthygl 9 (2)(g) Budd cyhoeddus sylweddol. Nodwch yma os oes rhwymedigaeth statudol i ddarparu data personol a rhestru'r ddeddfwriaeth briodol

Rydym yn dibynnu ar Atodlen 1, Rhan 2, Amodau Buddiannau Cyhoeddus Sylweddol; Dibenion statudol ac ati a dibenion llywodraeth.

Erthygl 9 (2)(i) Buddiannau cyhoeddus ym meysydd iechyd y cyhoedd.

Rydym ni'n dibynnu ar Atodlen 1, Rhan 1, Amodau sy'n ymwneud â Chyflogaeth, Iechyd ac Ymchwil ac ati; (2) (1) Dibenion iechyd neu ofal cymdeithasol a (3) Iechyd y cyhoedd.

## **Gyda phwy y byddwn yn rhannu eich gwybodaeth?**

Byddwn yn gwirio eich manylion yn erbyn cofrestr Profi, Orlhain a Diogelu GIG Cymru. Mae hyn er mwyn gwirio eich bod wedi cael gorchymyn ffurfiol i hunanynysu a'r cyfnod hunanynysu.

Efallai y bydd angen i ni rannu eich data personol gydag adrannau mewnol, sefydliadau eraill a thrydydd partïon, bydd hyn yn cynnwys:

- Gwasanathau Cymdeithasol er mwyn galluogi prosesu taliadau eraill yn gywir, megis taliadau Gofalwr
- Ein Adran Credydwy'r mewnol i brosesu taliad i chi
- Ein tîm Orlhain Cyswllt Mewnol os byddwn ni angen dilysu neu wirio unrhyw gyfnod o hunanynysu
- Cyllid a Thollau Ei Mawrhydi i wirio eich manylion cyflogaeth a chadarnhau bod taliad wedi'i wneud
- Yr Adran Gwaith a Phensiynau i gadarnhau hawl i fudd-dal cymwys
- Gwasanaethau Refeniw at ddibenion gwirio'r hawl i ostyngiad mewn treth cyngor

Mae gan Gyngor Sir Penfro ddyletswydd i ddiogelu'r gronfa gyhoeddus y mae'n ei rheoli. Felly, gellir defnyddio'r wybodaeth yr ydych chi wedi'i rhoi i ni i atal a chanfod twyll ac at ddibenion archwilio yn fewnol ac yn allanol.

## Am ba hyd ydyn ni'n cadw eich gwybodaeth?

Dim ond am gyhyd ag y bo angen y bydd Cyngor Sir Penfro yn cadw eich gwybodaeth, byddwn yn cadw'r wybodaeth a ddarperir i ni am 6 +1 *mlynedd* a bydd eich gwybodaeth yn cael ei gwaredu'n ddiogel unwaith nad oes ei hangen mwyach.

## Eich Hawliau

O dan Reoliadau Diogelu Data Cyffredinol 2016 a Deddf Diogelu Data 2018, mae gennych hawliau fel unigolyn gan gynnwys:

- Yr hawl i **Gywiro** – mae gennych chi'r hawl i ofyn i'ch gywbodaeth gael ei chywiro.
- Gall yr hawl i **Gyfyngu** ar brosesu fod yn berthnasol – gallwch ofyn i ni roi'r gorau i brosesu eich data personol, fodd bynnag, gall hyn arwain at oedi neu ein hatal rhag darparu gwasanaeth i chi. Byddwn yn ceisio cydymffurfio â'ch cais ond efallai y bydd yn ofynnol i ni gadw neu brosesu gwybodaeth i gydymffurfio â'n dyletswyddau cyfreithiol.
- Yr hawl i **Wrthwynebu** – nid yw hon yn hawl absoliwt a bydd yn dibynnu ar y rheswm dros brosesu eich gwybodaeth personol.
- Yr hawl i **Ddileu** - efallai y byddwch yn gofyn i ni ddileu eich data personol, fodd bynnag, gall hyn arwain at oedi neu ein hatal rhag darparu gwasanaeth, neu barhau i ddarparu gwasanaeth. Byddwn yn ceisio cydymffurfio â'ch cais ond efallai y bydd yn ofynnol i ni gadw neu brosesu gwybodaeth i gydymffurfio â'n dyletswyddau cyfreithiol.
- Yr hawl i beidio â bod yn destun **gwneud penderfyniadau a phroffilio Awtomatig**.
- Yr hawl i **Fynediad** – mae gennych chi hawl i ofyn i ni am gopiâu o'ch data personol. I wneud cais, cysylltwch â:  
Mynediad i Gofnodion  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [accesstorecords@pembrokeshire.gov.uk](mailto:accesstorecords@pembrokeshire.gov.uk)

Rhif Ffôn: 01437 775798

## Cwynion neu Ymholiadau:

Mae Cyngor Sir Penfro yn ceisio cyrraedd y safonau uchaf wrth gasglu a defnyddio gwybodaeth personol. Am y rheswm hwn, rydym yn cymryd unrhyw gwynion a gawn am hyn o ddifrif. Rydym yn annog pobl i dynnu ein sylw os ydynt yn credu bod ein casgliad neu ein defnydd o wybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi manylion cynhwysfawr am bob agwedd ar ein casgliad a'n defnydd o wybodaeth personol. Fodd bynnag, rydym yn hapus i ddarparu unrhyw wybodaeth neu esboniad ychwanegol sydd ei hangen. Dylid anfon unrhyw geisiadau am hyn i'r cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk)

Rhif ffôn: 01437 764551

Os ydych am wneud cwyn am y ffordd rydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo'r gyfraith diogelu data:

Swyddfa'r Comisiynydd Gwybodaeth

Wycliffe House

Water Lane

Wilmslow

SK9 5AF

E-bost: [wales@ico.org.uk](mailto:wales@ico.org.uk)

Rhif ffôn: 0303 123 1113

**Ein Manylion Cyswllt fel Rheolwr Data yw:**

Cyngor Sir Penfro, Neuadd y Sir, Hwlfordd, Sir Benfro, SA61 1TP.

Rhif ffôn: 01437 764551 neu [enquiries@pembrokeshire.gov.uk](mailto:enquiries@pembrokeshire.gov.uk)

Mae gwybodaeth ein Swyddog Diogelu Data wedi'i nodi uchod yn yr adran Cwynion ac Ymholiadau.

**Newidiadau i'r hysbysiad preifatrwydd hwn:**

Rydym yn adolygu ein hysbysiad preifatrwydd yn rheolaidd.